




Шочмо эл, порылык да чын верч!

16-шо (3664) №,
2024 ий 19 апрель,
кугарня.

Б У Д Ъ Г О Т О В /

ЙМДЕ ЛИЙ



1933 ий 1 февраль годсек лектеш.

Йўлам аралымаште – ВОЛГЫДО УСТАЛЫК



Фотом ансамбльиң архивше гыч налме.

«Изи памаш» (снимкыште) йоча фольклор ансамбльым 1984 ийыште чумырымо. 1990 ийыште «Образцовый йоча коллектив» лўмым налын. Художественный вуйлатышыже Марий Эл Республикысе тўвыран сулло пашаенже В.В.Архипов лийын. Ансамбльын усталык корныжо Медведево район Сенькан школышто тўналын. Тушко 1–9-ше класслаште тунемше 25 икшыве коштын.

2007 ий гыч ансамбльым «Душа народа» Марий Эл Республикын Правительстве премийжын лауреатше А.В.Сидукова вуйлата да икшыве-влакым мураш тунькта. Концертмейстерлан Марий Эл Республикысе тўвыран сулло

пашаенже Р.С.Алексеев ятыр ий ышта. М.А.Тимиряева куштымаш дене занятийлам вўда.

Самырык тукумым марий калыкын сымыктышыжлан, тўвыражлан кумыландыме паша ий еда сай лектыш дене куандара. Коллективыш коштшо участник-шамыч тўрлў конкурсышто, фестивальыште шкеныштым тергат да ончыл вер дене ойыртемалтыт. 2023 ийыште «Танцуй и пой, моя Россия» калык сценический сымыктышын VI всероссийский фестивальыштыже II степенян лауреат лўмым сенен налыныт. Тыгаяк сенымашке 2024 ийыште «Фейерверк талантов» всероссийский конкурс-фестивальыште шуыныт.

Умбажыже 3-шо лаштыкыште лудса.

ПОДПИСКЕ

Пагалыме лудшына-влак!

«Ямде лий» газетын кокымшо пелийжылан подпискым ышташ вашкыза.

Индекс: П4696.

Ак: **432 тенгеат 48 ыр** (Марий Элыште).

Тўрлў йўным кучылтса:

○ **онлайн йўн:** podpiska.pochta.ru сайтыш пурен але «Почта России» мобильный приложений гоч возалтса;

○ **редакций гоч:** ак – 150 тенге;

○ **почто гоч:** верысе почто отделенийыште але почтальон деч подпискым ышташ йодса.



Рекламе.



Москошто аклат

«Кулинарное путешествие по родной стране» всероссийский еш фотоконкурсун регионсо йыжынже мучаш-лалтын. Конкурсыш йочасад-лаш коштшо да тунемше-шамыч деч 48 паша пурен. Сенгышыш Йошкар-Оласе 15-ше номеран школышто 2-шо «Д» классыште тунемше София Арановская (**снимкыште**) лектын. Лауреат семын Елизавета Охотникова (Килемар школ, 3-шо «Б» класс), Гузель Халирахманова (Йошкар-Ола, 70-ше номеран «Ягодка» йочасад) да Сергей Протасов (Оршанке, Марково, «Теремок» йочасад) палемдалтыныт. Сенгышын да лауреат-влакын пашаштым конкурсын кокымшо йыжынгышкыже Москош колтеныт. Сенгымашым тыланена!



Фотом Марий Эл Республикысе Туныктым да шанче министрствын сайтыште гыч налме.

В.МАМАЕВА ямдылен.

Сенгымаш


Шуко профилян лицей-интернатыште 11-ше «Б» классыште тунемше Алина Шамсулина экологий дене всероссийский олимпиадын иктешлыше йыжынгыштыже

сенгыше-влак радамыш лектын. Алина ден наставникше А.А.Петуховам кугу кукшытыш шумышт дене шокшын саламлена.

Историйым шергалына

1783 ий 19 апрельыште Крымым, Таманым да Кубаным Россий империйын составышкыже пуртеныт.

Фотом школ архив гыч налме.



Уш-акылым виян да

Кужэнер районысо школлаште тунемше-шамыч шахмат дене районн первенствыштыже уш-акылнам тергенна. Йүледүр школын чапшым ныл тунемше араленна: мый, Денис Виноградов, Виктория Сандакова да Денис Иванов (**снимкыште**). Тагасымашлан мемнам М.Ю.Лоскутов ямдылен. Команде дене кумшо верым сенен налынна. Личный пер-

венствыште Денис Виноградов ончыл верыш лектын. Денис Иванов кокымшо верым сенен налын. Мый сенгыше-влак радамыш логалын омыл гынат, кумылем волен огыл. Вес гана эше сайынак ямдылалташ туналам. Вет шахмат дене модмаш уш-акылым виян да.

Николай ЯКИМОВ.

Кужэнер, Йүледүр.

Российысе увер

«Город будущего» порталыште усталык паша да сүрет всероссийский шошо конкурсым увертареныт. Тагасымашке түрлө ийготан йоча-влак ушнен кертыт. Тичмаш уверым **gorod-future.ru** сайтыште ончыза.

26 апрельыште Российын түрлө регионштыже «Диктант Победы» тунямбал патриотизм акций эрталтеш. Тушко кумылан кажне ег ушнен кертеш.

Сенгымаш тоштерын Красногорский филиалже «Великой Победе посвящается» сүрет конкурсым увертарен. Тушко 4-11 ияш йоча-влак ушнен кертыт. Тичмаш увер – **tuntuk.ru** сайтыште.


Марий Элысе увер

Республикысе марий тувыра рүдер 17 майыште «Колумб лудмаш» поэзий конкурсым Калык тувыра пörтыштö эртарат. Йошкар-Оласе йочасадла, школла, вузла гыч кумылан кажне ег ушнен кертеш. Йодмашым **maricentr_konkurs@mail.ru** адрес дене электрон почтыш 10 май марте колтыман.

Марий Эл Республикыште «Идалыкын туныктышыжо – 2024», «Идалыкын воспитательже – 2024» да «Уста марий туныктышо» педагогике мастарлык конкурсла эртаралтыт. 38 педагог тагасымашке ушнен. Сенгыше-влакым 27 апрельыште саламлаш тунгалыт.

Йошкар-Оласе 31-ше номеран школышто 4-ше «Б» классыште тунемше-влак «Орлёнок» всероссийский йоча рүдерын «Содружество Орлят России» сменяшкыже каят. Нуно «Орлята» программаштыште шкеныштым тергеныт да сенгышыш лектыныт.

Йўлам аралымаште - волгыдо усталык



Снимкыште: Светлана Милованова, Анастасия Иванова, Арина Сандрюкова, Дамиан Степанов.

– «Изи памаш» ансамблыш марий мурым, куштымашым йўратыше 45 ўдыр-рвезе коштеш. Коллективын иже гимнже уло.

«Шочмо веришор» маналтеш. Мутым А.Ефимов серен, семже – Г.Васильевын, – ойла А.В.Сидукова. Педагог-шамыч тыршен

пашам ыштат. Йошкар-Олаште 14-ше номеран гимназийыште арнялан кок гана репетицийым эртарат. Эрвелмарий, курыкмарий, Волжский вел да тўрлө куштымашым эре ончымет, «Ой, весела, весела» курыкмарий такмак-влакым, «Ой, луй модеш» калык мурым йонгалтарымым эре колыштмет веле шуэш. Изи артист-влак чотак кертыт, кумылетымак савырат.

26 апрельыште «Изи памаш» ансамбль 40 ияш лўмгечыжым палемда. Кугу концерт И.С.Палантай лўмеш тўвыра да сымыктыш колледжын Калыкле сымыктыш гимназийыштыже эртаралтеш. Тўвыра аланыште чолга шўдыр семын волгалтше коллективын усталык корныжо эреак пиалан лийже.

З.ТИМОФЕЕВА.

Фотом ансамблын архивше гыч налме.

«Кечыйол» икымше

Школысо «Рвезе тукым» йоча ушемыш 5-9-ше класслаште тунемше-влак ушненыт. Кажне класс посна отрядлан шотлалтеш. Нунын коклаште «Мыйын отрядем – мыйын сенгымашем» таңасымашым эртаренна. Эн ончыч чылан тўшка куштымашым куштенна. Вара

отряд-шамычын командирыштан, барабанчыкыштан, вожатыйыштан, редколлегий егыштан посна конкурс-влак лийыныт. Йоча-шамыч чолгалыкым ончыктеныт. «Кечыйол» отряд икымше верым налын.

Дмитрий ЕГОРОВ.

Морко, Шўргыял.

Сенгымаш

Марий Эл Республикасысе «ЗУМ» йоча киностудийыш коштшо ўдыр-рвезе-влак «Волга-Юнпресс» XIX тўнямбал фестивальыште документальный фильмышт дене ныл верым сенен налыныт. Таңасымаш Тольятти олаште эртаралтын. Фестивальышке 300 утла самырык корреспондент ден кинематографист ушненыт.

Марий шанчыен

Н.Т.Пенгитов – филологий шанче кандидат, профессор, У Торъял район Крешын Руйялын шочшыжо. Тений тудын шочмыжлан 110 ий темын. Ялысе тўвыра пўртыштў шарнымаш кас эртаралтын. Николай Тихоновичын йоча жапше, тунеммыже, паша корныжо нерген шуко ум пален налынна. Мемнан школышто руш йылмым да литературым туныктышо Р.И.Яндемирова тудын тунемшыже лийын. Ме шанчыен дене кугешнена да порын шарнена.

Анжилина ЧУЛКОВА.

У Торъял, Кузнеч.

Кушко тунемаш каяш ?

Йошкар-Оласе аграрный колледжыште техник-механиклан, техник-электриклан да моло специальностьлан туныктат. Кодшо кечылаште тиде тунемме тўнежын студентше-влак Медведево район Нурма школышто 8-10-шо класслаште тунемше-шамыч дене вашлиймашым эртареныт. Колледж нерген каласкаленыт, тўрлө мастер-классым ончыктеныт, шкалан ыштен ончаш йўным пуэныт (снимкыште). Рвезе-влакын тунемаш каяш кумылыштат лектын.

Любовь СОКОЛОВА.

Авторын фотожо.





Мужыр пелаш Валентина Геннадьевна ден Михаил Юрьевич Кужэнер район Визым ялыште шочын-кушкыныт. Нуно ик классыште тунемыныт. Жап эртымек, вуешушо самырык ўдыр ден рвезын чоныштым йоратымаш тул авалтен. Вашла йоратен, пагален илымыштлан тений августышто 21 ий темеш. Коктынат пашалан кожмак улыт. Валентина Геннадьевна тўрлў пашамыштен ончен: няне, кассир, парикмахер лийын, но чонжылан эн лишыл ургымаш паша. Кум ий наре тудо ургызылан ышта. *«Тиде сомыл мыланем куаным конда, ноймымат ом шиж»*, – ойла В.Г.Никонова. А Михаил Юрьевич кўртнў омсам ыштымаште тырша.

Йоча – еш эгертыш

Никоновмытын тўн эгертышышт – кок ўдырышт ден ик эргышт. Кугурак ўдырышт, Валерия, Йошкар-Оласе торгово-технологический колледжым тунем пытарен, кызыт кассирлан пашамышта. Тунемме пагытыште сўретлаш, кушташ коштын. Кызытат тўрлў кидпашалан шўман. Максим Йошкар-Оласе кумшо номеран школышто визымше классыште тунемеш. Ончыч футболла модын да бассейныш коштын гын, кызыт дзюдо дене пенгыде кылым куча. Ксюша ты школыштак кокимшо классыште шинчымашым пога. Ондак акаже семянак куштен, кызыт сўретлаш кумылан да пидаш тунемеш. Ача ден ава икшывыштлан эре полшат. Школысо конкурслаш ушнаш манын, поделкым пырля ыштат, сўретлат, чўккыдын

Келшен илымаште – пиал да куан

Еш идалыклан пўлеклалтше «Все́й семье́й» всероссийский проект нерген палыдыме ег укеат, очыни. Тудын нерген чўккыдын интернетыште возышт, газетлаште савыктышт, телевиденийыштат ончыктышт. Куандара: проект шуко ешын кумылжым савырен. Нунын кокла гыч иктыже – Йошкар-Олаште илыше Никоновмыт еш (снимкыште).



ончыл верыш лектыт. Моло мероприятийыштат шкеныштым устан ончыклат. Чолга еш семын ик гана веле огыл пўлек дене палемдалтыныт.

Яра жапым пайдалын эртарат

Паша – паша дене, но ешлан поснак кугу тўткышым ойырыман. Никоновмыт пўртўсыштў еш дене канаш йоратат. Кегежым нунылан эгер воктене лияш утларак келша. *«Пўртўс деч вийым налына. Паша да мўнгысў сомыл нерген шоньымашым ик жаплан ўрдыжкў шўкалын, пырля улмылан йывыртен, ракатланен канена. Пошкудо регионлашкат кошташ келша. Казаньыште, Чебоксарыште, Нижний Новгородышто лийынна. Ола-влакым онченна, коньки дене коштынна, зоопаркыште да моло оңай верыште лийынна. А ўмаште пелашем дене пырля икымше гана Шем теңызыш миенна. Туштат мыланна моткоч келшен»*, – ойла Валентина Геннадьевна.

Проект сымыстарен

«Все́й семье́й» проектыш Валентина Геннадьевна ден Михаил Юрьевич икшывышт дене пырля чолган ушненыт, чыла заданийым кумылын шуктеныт.

– Проект нерген уверым интернетыште ужынам. Кумыл лийын, но ала лектеш, ала уке шоньымаш чаракым ыштен, – палдара озавате. – Садлан иканаште ушнен огынал. Икмыняр жап гыч Ксюшан класс вуйлатышыже Е.Л.Макарова «Все́й семье́й» нерген ойлыш да ушнаш темлыш. *«Те чолга улыда, те кертыда»* шомакла дене кумыландыш. Декабрьыште ме кожым рўжге сўрастарышна, вара моло заданийым шуктышна. Проект еш дене шукурак жапым пырля эртараш таратен, икте-весе коклаше кылым эшеат пенгыдемден. Организатор-влаклан тыгай оңай да ойыртемалтше проектым эртарымыштлан, а Елена Леонидовналан ушнаш таратымышжлан кугу таум ойлена. Тек кажне еш пиалан лиеш.

В.МАМАЕВА.



Фотом школ архив гыч налме.

Классыштына 22 ўдыр-рвезе улына. Пелыже марла огеш умыло гынат, мари́й йылмым кумылым тунемыт. Йылмынам лывырташ манын, туныктышына Л.В.Волкова спектакльым шындаш темлыш. Тиде ой дене вигак келшышна. Тыге «Рвезе тукум» изи театр шочо. Тушко 12 тунемше коштына. Арнялан ик гана

репетицийыш погынена. Оршанке район Кугунур школышто Я.П.Майоров-Шкетанын «Кок сўнат пеле» комедийжым (**снимкыште**) да Шернур район Кукнур школышто А.Конаковын «Ику» драмыж гыч ужашым модын ончыктенна. Мыланна калык ончыко лекташ келша.

Ксения ВЕТКИНА.

1-ше номеран Шернур школ.

Чолга улына

Ме, Кельмаксола школышто шинчымашым погышо ўдыр-рвезе-влак, тунемашат, мураш-кушташат тале улына. Еш идалыкклан пӧлеклалтше «Шочмо эл, келшымаш да еш» концертным ялысе клубышто шукерте огыл эртаренна. Йочасадыш коштышо ньога-шамычат усталыкышт дене куандареныт. Калык зал тич погынен ыле. Кажне номер деч вара совым рўж кыреныт. Мемнан кумылнам нӧлтеныт. Тыге ме изинек калык ончыко лекташ тунемына, койыш-шоктышнам виангдена. Вес ганат пайремыш ушнаш кумылна уло.

Юля ЯГОДАРОВА.

Советский район.

Куштат, кучедалешат

Ксения Богданова (**снимкыште**) Шернур посёлысы 2-шо номеран кыдалаш школышто визымше классыште тунемеш. Школ пеленысе «Грация» кружокыш икымше класс гыч коштеш. Тудым О.В.Васильева вуйлата. Икшыве-шамыч кружокышто тўрлӧ движенийым тунемыт, куштымашым шындат. Школысо, районысо меропрятийлаште усталыкыштым ончыктат. Зеленодольск олаште эртаралтше конкурсышто чолгалыкыштым тер-

геныт. Чебоксарыште кумшо верым сенген налыныт.

Ксения нылымше классыште тунеммыж годым борьбаш кошташ тўналын. Тренерышт М.Г.Пакеев ўдыр-рвезе-влакклан тўрлӧ приёмым туныкта. Йоча-шамыч капкылыштым пентгыдемдат, шуаралтыт, шкеныштым аралаш тунемыт.

Ксениялан умбакыжат тыгаяк чолга лияш тыланена. Тўрлӧ аланыште шкем виангдымыже куаным гына кондыжо.

В.МАМАЕВА.



Фотом еш архив гыч налме.



Фотом еш архив гыч налме.

Усталык дене куандарат

Богдана ден Данила Коротковмыт (**снимкыште**) изашўжар улыт. Данила Юлтехкугыжаныш университет пеленысе «Политехник» колледжыште программистлан тунемеш. Богдана Йошкар-Оласе 16-шо номеран школышто 9-ше классыште шинчымашым пога. Коктынат шочмо йылмын, тўвыран поянлыкшышым, кўлешлыкшышым умылен кушкыт.

Уста икшыве-влак Светлана Яндукован вуйлатыме «Юкече» вокал ансамбльыш 2015 ий гыч коштыт. Данила кодшо ийын «Ший памаш»

регион-влак кокласе фестиваль-конкурсышто икымше гана участвоватлен да «Шўмбел авай» (мутшо Зоя Висвисын, семже Светлана Яндукован) у муро дене сенгыше радамаш лектын. Шукерте огыл «Струны души» регион-влак кокласе IV фестиваль-конкурсышто II степенян лауреат лўмым сенен налын.

Тений Богдана ден Данила Коротковмыт «Кушто-кушто куштымаш» у произведенийым луктыныт. Сем аланыште кок у шўдыр тек ончыкыжымат мемнам у муро-влак дене куандара.

З.ТИМОФЕЕВА.



Имне дене кудалыштме

кешырым, олмам да сакырым тамлен-тамлен кочкыныт. Тидын деч вара эн онайже вучен: ўдыр-рвезе-шамыч имне дене черет дене кудалыштынна. Южыжо имне ўмбаке икымше гана шинчын, садлан лўдыкшыракын чучын. Мый шкемым тыматлын кученам.

Мыланна Оршанке кундемыш миен толмына чот келшен. Озавлаккан тыгай ойыртемалтше вольыкым – имньым – лишычын ужаш, ниялташ, пукшаш



Фотом школ архив гыч налме.

Снимкыште: Ульяна Щербакова.

да кудалышташ йўным пуымыштлан кугу таум ойлена.

Анна ЕГОШИНА.

У Торъял школ.


Кужу каньш годым класс дене Оршанке районсыо Кугунур селаш унала миенна. Тушто мемнам имньым ашныше, ойыртемалтше, моткоч поро да весела еш шокшын вашлийын. Эн ондак имне да чома-шамыч дене палымым ыштеныт, экскурсийым эрта-реныт. Нуным пукшаш пеш куанле лийын. Кидна гыч

Ушан пырыс

Василий – британ урлык пырыс. Йўратыме кочкышыжо – шыл да кол. Мундыра дене модаш кумылан. Тудлан окна гыч уремышке ончаш келша: тусо илышым эскера. Южгунам эр гыч кас марте мален кертеш. Мыйын школ гыч толмем вуча. Вашлиеш, а мыйже тудым ниялтем. Кастене сонарыш лектеш: колям кучаш. Шонем да ўрам: пырысат тебе могай ушан!

Полина АЛЕКСЕЕВА.

Морко, Коркатово.



Укшышто шинча киса,
Пырыс удырен кўза.
Тўткын эскера иза,
Пырыслан парням рўза.

Н.ВЯТКИНА.

Юлия ВЯТКИНАН сўретше.

1-ше номеран

Кужэгер школ.

Персик

Пырыснам Персик манын лўмденна. Мемнан пелен кумшо ий ила. Тудо ош тўсан, шинчаже кугу да ужарге. Малаш да кочкаш эн чот йўрата. Южгунам мече дене модеш: пўрт мучко почешыже кудалыштеш. Мыят коклан пырля модам. Персикым йолташемлан шотлем да тудым йўратем.

София ЛЯМИНА.

Кужэгер, Шўдымарий.

Майя Титова (снимкыште) Йошкар-Оласе 67-ше номеран «Колокольчик» йочасадысе «Ромашка» групшыш коштеш. Изинек сўретлаш, лудаш кумылан. Сёма лўман ныл йолан йолташыжым моткоч йўрата.

Найда

Илен пий Найда лўман,
Озаж дек моткоч шўман.
Пешак кужу пылышан,
Ончалеш – могай ушан.

Опталта да тўршталта,
Кочкаш пуымек мотталта.
Йоча-влакым модыкта,
Кас марте эре пырля.

Лие тудо пинеган:
Мотор, сылне шым иган.
Шкеж деч кажныжым покта,
Вот могай мемнан Найда.

И.МИЛЮТИНА.

Шернур, Чылдемыр.

Тушто-влак

Нылытше кушта, шўдў
витлыже сова.

Ныл йолан, кадыргалше
тўкан,

Пондашан, вуж-вуж
межан.



Фотом еш архив гыч налме.

Йолташ Ўдырем

Надя йолташ ўдырем дене кугешнем. Тудо сайын тунемеш: дневникиштыже «нылытан» ден «визытан» гына. Математике уроком пеш йората. Задаче-влакым эн ончыч решатла. Яра жапше годым пидаш, тўрлаш тунемаш кружокыш коштеш. *«Ўдырзең чыла ыштен моштышаш, илышыште кўлеш лиеш»*, – оила Надя. Ме коктын пеш келшена, эре пырля лияш тыршена. Келшымашна умбакыжымат пенгыде лиеш, шонем.

Регина ЕГОРОВА.

Морко, Коркатово.

19 апрель – Кўдыронгырын кечыже.

Кок тўрлө картоным, ужар тўсан кагазым, ватный диск-влакым, клейым да вашкўзым кучылтын, мотор кўдыронгырым ыштена. Тудо тендам кужу жап куандараш тўгалеш.




Фотом школ архив гыч налме.

Ме, Параньга район Матародо школышто нылымше классыште тунемше икшыве-влак **(снимкыште)**, шошым чот вучышна. Чынараке – шырчык толмым. Ямдылалташ ондакак тўналынна. Ачана-влак дене

пырля шырчык омартам ыштенна. Мўндыр унашамыч кызыт илашат пуреныт. Шулдыран танна-влак-лан сўретым сўретленна. Поро пашанам ончен, йывыртен шинчымашым погена.

Ребус



Онай факт-влак:

Кўдыронгырын кечыжым 1984 ийыште Английыште шонен луктыныт.

Акрет грек йылме гыч «шор пеледыш» манын кусаралтеш.

С.Маршакын «12 месяцев» да Г.Х.Андерсенын «Подснежник» йомакыштышт кўдыронгырым ик эн тўн герой семын ончыктымо.

20 утла тўрлө кўдыронгыр уло.

Физкультминутко

Тук-тук-тук –
Чōгыт ден пера Вачук.
Йож-йож-йож –
Пила ден пўчкеш Ольош.
Ик, кок, кум –
Нангаем мый пум.



Сокыштыжо шуко сакыр улмылан кōра лу градус йўштыштат огеш кылме.

МАРИЙСКИЙ НАЦИОНАЛЬНЫЙ ТЕАТР ДРАМЫ им. М.ШКЕТАНА

21/04
11:00

РЕКЛАМА

СЕРЕБРЯНАЯ ПАМПАЛЧЕ

6+ 78-13-78

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-4-8.

УЧРЕДИТЕЛЬ-ВЛАК:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе «Марий
Эл» увер агентстве» КАУ.

Газетым Кыл, информационный техно-
логий да массовый коммуникаций сферым
эскериме шотышто федеральный службын
Юл кундем федеральный округысо управ-
ленийшытыже регистрироватлыме.
Номер – ПИ № ТУ52-01404,
2023 ий 22 сентябрьыште пуымо.

0+

Печатьыш пуымо жап – 14-00,
фактически – 13-00

Авторын да редакцийын шонымашышт тўрлө лийын кертат. Серыш-
влак мōнгеш огыт колталт.
Ак – кутырен келшыме почеш.

Редакций да издатель: Марий Эл
Республикысе «Марий Эл»

увер агентстве» КАУ. Директор – Е.И.КУЗНЕЦОВ.
Редакцийын да издательнын адресше: 424006, Йошкар-Ола,
СССР Вооружённый Вийын 70-ше идалькыше урем,
20-шо пōрт.Тел. 8(8362) 45-22-82.

https://vk.com/yamde_lii
<https://t.me/yamedeli>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым редакцийыште погымо да
верстатлыме,
«Марий Эл»
Республикысе Правительствын типографийже» ООО-што
ямде оригинал-макет гыч савыктыме. Типографийын ад-
ресше: 424000, Йошкар-Ола, Комсомольский урем,112.

Эш дене - шошо сомыл.

Пөрт ямде!



Конкурс

Мемнан еш ик эн тун шошо сомыллан шырчык омартам ямдылымым шотла. Вес семынже огешат лий, очыни, вет шырчыкше - влак мемнан ешнак улыт. Шошым, пörтылмекышт, сылне мурышт дене куандарат. Кенеж мучко изи падыраш-влак сад-пакчаштына пырляк тыршат: шукш-копшангым пытарат, пакчасаскам ончен кушташ полшат. Ме мундыр

унана-влаклан мотор пöрт-шамычым кажне ийын ыштена.


СЕМЁНОВЫТ еш.

Морко, Арын.



7 ойыртемым муза.

Кампетке-шамычым келшыше тус дене чиялтыза.



Дарья РЕШОТКИНАН сүретше.

Медведево, Нурма.

Сүретым чиялтыза.



Математике кроссворд

		3 +	= 4		1
		+		+	+
				+ 5 =	=
					=
9		6 + 1 =			9 - = 6
-		+			+
2 - = 1			+ 5 = 8		
=		=			=
8 - = 4				7	+ 6 = 7
		-		=	
		3 + = 9		1	6
		=		-	=
					=
- 6 = 1	1		+ 1 = 7		
	+			+	
4 - = 3					
5 - = 2					6

Пылым ончен, игечым ончылгоч палыза.

А.Мичурин-Азмекейын «Шошым» ойлымашыштыже могай мут-влак мондалтыныт!

Теве шукерте огыл төшак гай пушкыдо лум _____ левед кия ыле, а ынде тудо, _____ вудыш савырнен, тайыл дене коремлашке _____ вола. Кажне _____ изи да _____ лоп верыште - чыла вере _____.

Теле гоч _____ кийыше мланде, шерже теммеш _____ вудым йуын, уло онжо дене _____ шула.

В.СМИРНОВ ямдылен.